


Հ Ա Ն Գ Ի Ս Տ

ՄԻԺԱՆԱԳՈՍԹԻՎ Տ. ԳԵՈՐԳ ԳԵԼԱՆԵՆ ՄԵԼՔՈՆՅԱՆԻ

Երկարատև հիվանդությունից հետո, 1954 թվականի հունվարի 21-ին, վախճանվեց արժանապատիվ Տ. Գեորգ քահանա Մելքոնյանը:

Հանգուցյալը ծնվել է 1878 թվականի օգոստոսի 18-ին Տրապիզոնի վիլայեթի Չարշամբայի գավառի Էրենջյուկ գյուղում հացագործի ընտանիքում: Նրա ծնողները գաղթել են Ռուսաստան և բնակվել Գորյաչի Կրկյուչի Սադովա գյուղում: Հանգուցյալը իր նախակրթությունը ըստանալով տեղի տարրական դպրոցում, ինքնուրույն ջանասիրու-



թյամբ լրացնում է իր ուսման պակասը և նուրբ գյուղում նշանակվում ուսուցիչ: Միաժամանակ նա դպրոցում է անում տեղի եկեղեցում: 1916 թվականին քահանա է ձեռնադրվում Մխիթար Բախակոպոսի ձեռքով և քահանայագործում Աստրախանի Ս. Պետրոս եկեղեցում:

1925 թվականին տեղափոխվում է Կրասնոդարի Առկ շրջաօկուգի գյուղը և հովվում աթոռի շուրջ 5 տարի: Կրասնոդարի եկեղեցին վերանորոգելու համար նա հանգանակություն է կազմակերպում՝ զգալի մի գումար դնելով իր անձնական միջոցներից:

Նորին Ս. Օծություն հանգուցյալ Գեորգ Ե. Կաթողիկոսի կարգադրությամբ, 1926 թվականին Լենինական քաղաքի երկրաշարժի պատճառով վնասված եկեղեցիները վերանորոգելու համար նա հանգանակություն է կազմակերպում և գոյացած գումարն ուղարկում էջմիածին:

Գեորգ քահանայի հանրագուտ աշդ գործունեությունը արժանանում է Ամենայն Հայոց Վեհափառ Հայրապետի ուշադրությանը: Վեհափառ Հայրապետի սրբատառ կոնդակով նա ստանում է լանջախաչ կրելու իրավունք: 1943 թվականից հանգուցյալը քահանայագործում էր Բելորինչինսկում և միաժամանակ հովվում Մալկոպ քաղաքի հավատացյալ համայնքին և նրա շրջակայքին:

Իր 38-ամյա քահանայագործության շրջանում, Տ. Գեորգն փրանքասիր վարք ու բարքով, իր անձնով-

րությամբ և մեղվաջան աշխատանքով միշտ էլ սիրված է եղել իր հավատացյալ ժողովրդի կողմից: Արժանավոր հովվի մահը խորապես վշտացրեց իր ժողովրդին:

Հանգուցյալ արժանապատիվ Տ. Գեորգ քահանայի հուղարկվողությանը եկել էին մասնակցելու նրան հարգող հազարավոր հավատացյալներ: Թաղումը կատարվեց պատշաճ հանդիսությամբ: Տան կարգն ու լվացումը կատարելուց հետո, Գրիգոր քահանա Անանյանը խոսեց դամբանական դրվատելով հանգուցյալի արժանիքները: Ապա սգակիրների և հանգուցյալի հիշատակը հարգողների ուղեկցությամբ, դադաղը առաջնորդվեց Բելորինչինսկի հանգստարանը, ուր հանգուցյալի մարմինը հանձնվեց հողին:

Աստրախանի, Կրասնոդարի և Բելորինչինսկի հավատացյալները երախտագիտությամբ կպահեն իրենց սրտերում բարի և աղնիվ հովվի հիշատակը:

